

尊罪囚之苦古今同慨而湘中訟獄之繁人犯之多其弊為尤甚有濫控之犯如藉故陷害一紙牽誣多至數十人者有久羈之犯如案情疑難犯供游移一押至十數年者有牽連之犯如命盜重案中之指作干証曾經在場者戶婚田土錢債各案中之會符中人媒妁及說事過錢者有輕罪之犯竊盜鬪毆案中之形跡可疑貧窮不堪無人領歸無人取保者又有前任未及辦結釋放後任不加覺察者有初審留作証佐原擬再審久而置之不理者有始因人犯未齊暫羈候審久而忘其所以者更有門丁書役內外串通或藉案弋致挾嫌妄擊私押差廳肆其訛索或案已審結官許發放族保未集依舊淹留者 國家設獄原所以禁暴止奸果係大盜要兇惡貫滿盈孽由自作猶可言也其市井鼠竊之徒室家雀角之訟或由於饑寒交迫或由於伶仃無告亦不問所犯輕重動輒長羈示禁雖在縲紲非其罪也蹊田奪牛罰已重矣若夫失火之殃餘波之及本為事外無辜之人亦受牽連下獄之累至使株連之罪錮之終身瓜蔓之抄逮及十族又如証人一項實有益於問官為民上者需之甚殷本應優待而亦奪其生理豺虎是投視作繫囚牛驥同早尤為無禮無義不仁不智之甚者矣牧令一官為民父母誰非人子各有天良而日坐堂皇奄奄戶位竟使無罪之民駢手繫足橫加禁錮撫膺自問能無悚怵本署司蒞任以來留心察吏僚屬中雖有一二操守難信之輩而剝削民膏淫刑以逞如已革之余良棟呂汝鈞者似尚無其人而六七十州縣監禁羈管至數千人之多煩冤抑鬱 撫憲至謂人怨神怒上干天和其故何哉人皆有不忍人之心豈一行作吏遂視民如仇讎草芥竟性與人殊耶反覆以思或亦有不得已之故焉一事報官獲犯到案有上司之督責有彼造之指控而供詞各執人証未齊定讞則未能釋放則不敢惟有姑且監禁之一法此其故由於不明不明則不能決斷而監繫者不知幾案不知幾年矣亦有不及知之事焉一人之身百事叢脞有家丁之隱蔽有胥吏之舞文而積贖業壓深居簡出左右之人輒伺其間隙以售奸於是私押私拷之弊此其故由於不勤不勤則不能清查而監羈者又不知幾處不知幾人矣由前之說其責不專屬之各府廳州縣由後之說其責不能不屬之各府廳州縣今本署司敬與管獄有獄之官約凡十五條一凡律得勿論及例應減等者現奉 撫憲批示除令局員督責司承稽核月報調卷開單另行札查外並望各牧令先自極力清查與各幕友調核案卷稟明核辦二命盜重案中有濫控多人日久未結查明實非其罪者將姓名事由開具簡明清單稟請核辦如經本署司核准批釋將來或事主原告再行上控或 撫憲 刑部有所駁詰本署司實任其咎不與各牧令相干三竊盜鬪毆一切輕罪之犯如監羈有年者應飭令該團內紳士具保釋放如無人擔保亦可傳集該

姓戶族發交領回責成約束四各命盜重案中之被告審明如係無干立即省釋或本屬在場或稍有干係並非兇盜罪在答杖以下者分別交保俟緝獲正兇再傳案備質五戶婚田土錢債各案內之中証媒妁及說事過錢人如有不合當堂照例答杖發落或其事不能遽結均令在保候訊不准收押六州縣保戶率皆差役書歇充當無保即須收押故保戶得從中勒索規費嗣後保戶應聽本人自擇鋪戶均可具保不准書差從中捏稟把持攔阻保戶出具保結為書差礙攔不能通入准於升堂時呈遞或攔與稟呈七欲防丁役私押私拷之弊非隨時自到監羈各所親查無由杜絕清查之法每月數次得閒即往並無一定時刻庶使人猝不及防另用粉牌將監禁各犯姓名收放月日書於其上懸掛頭門俾眾共覽榜中無名官已省釋仍遭私押私拷之弊及親屬隨時攔與喊控紳士商戶隨時函告查明立將丁役重辦八將監管人犯案由自設一簿或自開一單置之座右隔數日必一清理逐日收封冊籍必須親自標判不可謾語親屬幕友席所取人犯名數姓氏常在目中某案已結未結某犯應釋應審時時警省以免日久遺忘九監獄本典史專管州縣宜隨時督率稽查丁役如有拷索剋扣凌虐均惟典史是問其州縣管禁家丁及各羈所積弊均責成典史稽查稟印官察究毋得徇隱丁役有弊典史如能自行舉發免其議處經理得法並准由印官照例請獎十既經此次查辦以後前任移交監羈人犯清冊接任者親自點查有無多少將此項清冊開具簡明案由出具人數切結隨到任文書申報憑考核十一此次文到後立限一個月清理將以前監羈人犯實有若干名並釋放人數開單稟覆十二各州縣月報冊中羈管人犯多非實數此次查辦釋放之人有月報冊中未及開載者本署司並不責備其實在不能遽釋者亦准聲明案由補造入冊期昭核實十三此次查辦後月報冊中仍有與實在監羈人數不符以及應釋不釋任意羈押或經上控發覺或遣委員查明定即詳明 兩院從嚴撤參十四管監家丁禁卒看役應由官捐廉優給工食如有索取規費酷拷詐索凌虐罪囚曾經典史稟知或民人控告本管官不據實舉發者即照二十二年撫憲通飭辦理十五凡輕罪已決人犯素鮮執業又無戶族的保礙難遽釋者應由各府州縣設立公所教以工藝期有恆業化莠為良現奉撫憲檄司仿照湖北遷善所章程詳議飭遵已於省城附保衛局設立遷善所約可容四百人會同紳士辦理擬另札通飭各屬一體照辦府廳州縣如能各就地情形先籌辦法稟候察核尤所企盼本署司權理臬篆既半年矣公暇往返從不強人以難行之事亦不責人以無補之言此次查辦人犯凡我同儕揆度地宜體察民情斟酌事勢如有不能行之故與夫不得已之情望即從實稟明和盤托出凡有可以通情分諉之處本署司

必獨任其責斷不推諉至於譴獄之不明奉職之不勤此在該牧令等自盡其心非本署司所能代任若仍蹈故轍掩飾彌縫作無益以害有益是甘為不肖之尤本署司惟有執法以從其後耳總之本署司開誠布公所厚望於同僚者祇此實事求是四字而已合行札飭札到該即便遵照毋再玩忽因循狃於積習致干嚴譴切切特札

漢口英領事咨文

駐漢英領事霍 為照會事案查以前各處每有毀謗教會辱罵西人之揭帖屢經本領事照請嚴禁緝拿造帖之人究治在案現接湖南來函據稱長沙湘潭十數州縣地方仍有早年造帖之人周漢復編極惡揭帖各處黏貼本領事接閱之下深為煩悶察核其中語句專意使百姓惱怒謀害西人激成極大弊端查與近事關係極為重大惟現值緊要之際深盼 貴撫部院刻即趕緊飭將造帖之人周漢拿押究辦免生意外之虞除將揭帖抄送查閱外為此照請 貴撫部院迅賜札飭施行

此係前日漢口英領事來文本館託人抄出刊登報章布告諸君凡事須有遠慮可免近憂。中丞為此舉者非宿憾於周漢與見好於洋人也膠州之事以匪盜殺二教士而割地賠款俄佔旅大法索兩廣英租威海又開四省口岸因一隅而牽動全局洩一憤而辱及 君父故血氣之勇不可無節制也昨報廣西永安州戕斃教士一案法又要索五款小不忍則亂大謀諸君何不詳思而審處乎平心而論周漢居甯鄉捐田產興義舉未嘗非一鄉之善士乃因窮無所遇激而為此苟一時逞其私憤兵連禍結全省糜爛民不聊生是以數百萬人之身家性命喪於周漢一人孤注之一擲也即幸而不至用武而海岸全失利權盡去使 君父賠錢嘔氣於心安乎 中丞之拘周漢正所以保全周漢也譬之家中子弟在外滋事為之家長者見幾而作將此滋事之子弟閉置密室不令再犯即有來理論者見彼家長如此嚴整家法其氣自平必不至恃強相逼矣今為家長者反加袒護置之不理必為人控告將此滋事之子弟扭送衙署嚴刑懲辦試問此家長將此子弟閉置密室愈乎抑受刑衙署愈乎拘禁臬獄者即閉置密室也不使外人索而甘心者即免其受刑衙署也吾知諸君必解此中之旨矣夫各國欺凌無理取鬧稍有人心者孰不知恥孰不知憤然同一恥憤也有得當者有不得當者得當者深謀遠智陰圖自強連合羣力以為恢復之計昔之太王勾踐是也不得當者匹夫按劍欺殺孤客磚石瓦塊反墮油索者之術今之膠州永安州是也諸君細思 中丞近日創立武備學堂設槍砲廠於洞庭湖口其心何為乎日籌糧餉加練新軍其心又何為乎夫亦曰欲圖自強以雪國家前日之恥憤而

已矣吾願諸君勉為大勇勿為小勇可也 本館附識

閩督奏摺

頭品頂戴閩浙總督臣邊寶泉跪 奏為閩省徵收糧價並無浮多實難上提下減懇請從寬免議恭摺仰祈 聖鑒事竊准部咨議覆江浙等省徵收地丁條銀折價與市價懸殊請酌減數目查各省情形不同向來如何徵收未能畫一若由部明定數目飭辦恐多窒礙就各省完納章程查明地丁折錢較市價大有浮多者即行酌量減其以銀完納以洋元折納實有浮多者亦一體量為核減奏奉 諭旨允准通行各省核覆江西州縣每地丁一兩議令減徵錢一百文漕米一石減徵錢一百四十文更於減徵之外每地丁一兩責令各屬隨徵加解平餘銀七分每漕米一石加解平餘銀一錢等因應飭查照江西成案各就本地情形酌量仿辦各等因當經行司通飭遵辦去後茲據署福建藩司李興銳詳稱查閩省向無徵收漕糧祇有地丁糧米而環山濱海田糧向定下則釐餘因之於同治初年前督臣左宗棠查革陋規酌定糧價其有辦公不敷者分別議給津貼通飭各屬勒石永遠是糧價已無浮多各縣大都清苦於此可見惟近來銀價較賤經各屬徵糧如何折收徑即通飭切實查覆茲據各府廳縣陸續開具進出各款及徵收銀米價目清單詳前來核其徵收糧價均於同治初年定價相符內除耗羨貼水等款外以近日銀價而論所餘不過百十文至數百文而止非若他省之有八九百文至千餘文可比至折徵番銀均照市價漲落又非若他省之以銀折錢仍以銀投納轉折算藉增銀水釐餘可比折成津貼減成雜款提解所墊丁耗又責令自出已查各縣之竭蹶故形難瞞洞鑒明知借款孔亟時事多艱內外臣工當如何竭誠謀畫况鄰省辦有成效倘可措手豈不思勉步後塵惟逐加訪察閩省糧價自同治初年核定之後實在減無可減即已提無可提假令竭澤而漁則狡猾之員必致巧立名目科歛擾民即謹愆之員亦不免挖肉補瘡虧挪公款與其事後諸多棘手徒有提解減徵之名似不若專就錢糧稅契諸大端加意清釐尙覺稍有實濟查部議亦稱明定提減數目恐多窒礙固已知各省情形迥別未能責以強同茲既查明實在情形惟有懇請寬免等情前來臣覆加查核妥係實在情形合無仰懇 天恩俯念閩省徵糧照市價並非大有浮多與江西等省情形有別上提下減實覺為難准予寬免地方幸甚謹恭摺具陳伏乞 皇上聖鑒訓示謹 奏奉 硃批 戶部知道欽此

論吳淞通商○西報云禮拜六西字林報館接得英總領事署來函謂本署近接北京來電云總署聲言欲

將吳淞開作通商口岸並建設稅關總署一旦有此舉動其心必有所因想鐵路總辦盛京卿曾力為之請因彼於吳淞基地產業所購甚多近水則有馬頭近陸則有鐵路若一旦開作通商口岸其利必宏且近來事變紛乘有開悟總署王大臣者言若將一地開埠通商可免他國覬覦故除吳淞之外又有開福甯通商之議且既開吳淞他日可免再浚吳淞之請吳淞至申江鐵道靈便異常此後輪船往來不至在口門阻礙也雖大洋船不能進口者亦可灣泊於吳淞但吳淞開作口岸其砲台首須遷移遷移之後料必為英國租界蓋吳淞砲台雖得地利而在弱國之手不知保用之之謀猶是童子手執火鎗非獨害人更且害己也若日美二國一旦失和或在中國交鋒中國不能自強則砲台雖無可恃更有台能動貪者之欲莫如去之之愈也 錄大公報

香檀人口○鎮西報云頃見調查香檀島人口者云淳香檀島人三萬一千零九十九名半香檀島人八千四百八十五名日本人二萬四千零百名中國人二萬一千六百六十六名葡萄牙人一萬五千一百九十一名美國人三千零八十六名英國人二千零五十五名德國人一千四百三十二名也會於一千八百二十年美國教士創見該島之時其土人有十五萬餘而其後逐漸減少現在不過十萬七千二百八十六人云 錄蘇報

志士大會○日本報云日本全國國民刻下觀亞東之時局日危頗發憤憤政府外交政策甚屬不振於是有志之士糾合聚會於各地商議政策頃頃岷嶽進步黨員等亦勃然大興東歷四月七日同志者各會於其俱樂部以議時局之急務其所議者三一日力抗俄德要索中國各條議二日俄德若不撤退其所據之地則不撤駐威海日軍三日奉明治二十七年宣戰詔勅力行對韓政策是也又更期四月二十四日擬開函嶺江西東京以東一府六縣十五州同志大會於岐阜市云又靜岡縣進歩黨亦於四月十八日大會同志者議援東方時局之政策云 錄漢報

西醫辨指○檳城報錄英國官醫生云某閱罪人甚多審視罪人之手指與常人有別如鼠竊之人指皆纖小其第一指與第二指當其開時指頭相隔甚遠第五指有微彎劫盜之人指肉粗指頭禿指骨轉輪之處則甚細殺人之人指短而粗爪根尤長手腕極雄壯有力 以上三等皆經屢驗幾至千人一律而某近來驗犯不必問其所犯為何如事但由其指而斷其人已覺毫釐之不謬也 錄博聞報

各國養蠶情形○彼得堡報云產絲各國分三大部曰亞細亞中部及東部曰歐羅巴東部曰歐羅巴西部而三部中最宜養蠶者則以亞細亞東部為首至歐羅巴蠶業則推意大利法蘭西兩國 據米拉諾蠶業會查

西歷千八百九十六年意大利國收獲蠶繭四千一百一十八萬二千啟羅邁當如比業孟地方在意大利國為養蠶最盛之地是年因桑葉被霜所傷蠶繭比上年減取一成九分幸維內切葉米日曼爾脩各國地方豐取一成有餘 意國是年收獲蠶繭雖不及上年而蠶子每重一昂士約獲蠶繭四十八啟羅邁當有餘十年前每一昂士之蠶子約得蠶繭三十四啟羅邁當其有多得之蠶繭蓋皆黃白兩色蠶相雜所生之子此蠶子每重一昂士可得蠶繭五十啟羅邁當若淨白蠶子或淨黃蠶子每重一昂士僅得蠶繭四十七啟羅邁當有餘或只三十七啟羅邁當 又查意國是年所產之生絲約三百零二萬三千啟羅邁當較之上年聊見減色 法國蠶業在歐羅巴居第二西歷千八百九十六年該國收獲蠶繭九百三十一萬八千七百六十五啟羅邁當比意國約少三萬啟羅邁當有餘又法國是年所產生絲七十八萬四千啟羅邁當比前五年約增取百分之四分有餘 西班牙是年收獲蠶繭二百二十三萬一千啟羅邁當得生絲十萬二千啟羅邁當查該國桑樹甚稀此次可謂格外收穫矣澳地利和內國內養蠶地方皆有起色特來勤地方收獲蠶繭多至百三十二萬五千啟羅邁當較前數年約增取十萬啟羅邁當其次意斯得利達爾曼奇兩處當西歷千八百九十三年不過收獲蠶繭七萬九千啟羅邁當布柳爾地方千八百九十六年收五十五萬八千三百啟羅邁當上年收獲至五十二萬九千啟羅邁當克魯阿齊地方千八百九十六年收百六十二萬七千七百三十一啟羅邁當前二年僅收百十二萬七千六百十五啟羅邁當該處蠶業日盛實以向牙利設有查驗養蠶署極力獎勵故也澳匈兩國共收獲蠶繭二百五十九萬六千五百啟羅邁當得生絲二十九萬四千啟羅邁當 未完 錄國報

開礦要聞○北京消息云聞中國 皇上已允貴州省開採水銀礦准用法人之款又准法人馬度君在湖南鎔鍊五金礦石此等事無論允給何國人開採我西人皆稱揚之蓋此等事能大開風氣長人見識為現在中國至要之關鍵能致民於富厚是故洋款入於中國愈多愈妙俾華人得利愈多也 錄大公報

議定章程○鎮西報云中國政府許英國要挾款內通航內地河川之一項即於西歷六月一日施行是以現在英國駐中公使馬兌那兒氏與總稅務司赫德氏議定通航內地河川章程一面增進通商貿易一面徵取關稅以擴中國之財源且其通行貨物於內地祇在一關納稅以後抵內地各處皆可直行無阻云俟此章程脫稿即照會各口岸商務會議定其可否始公布行云 錄漢報

絲商游歷○日報云日本國當金子堅太郎充當農商衙門侍郎時告各練絲商人曰欲革除練絲之弊宜

往法美各國考考線之法於是各縣商多有出洋游歷者嗣後各縣商稟請政府發給游歷津貼現農商衙門因無餘款難以充准其請惟當極力與之便宜耳 錄大公報

蘆漢鐵路總公司設立造冊處○督辦鐵路總公司盛大臣 文移津局據開照得本大臣奉 旨督辦鐵路所有總公司以及南北各分局一切取支款項均關部撥公帑及息借洋債至為繁重必須歲會月計彙册刊印以昭核實茲仿照海關造冊章程設立鐵路總公司造冊處遴派幹員專司彙核造册查有奏調差遣委員江蘇試用同知鄭丞孝胥堪以派委總辦以專責成並飭據該丞酌擬設造冊處章程六條前來本大臣逐加查核均屬周妥應准照行云云 一造冊處專取總公司及分局各月報編彙訂每季出一清册刊印備核 一先飭津局漢局各送清册一分詳列存料若干已做工程若干員役若干開支若干務期明晰以備總公司派員造册核對此册限一月寄至造冊處 一每月月報寄至造冊處津局不得逾半月漢局不得逾十日 一請督辦札飭各分局將來津局漢局與造冊處文牘來往均不得逾半月十日之期限如或逾限應將經辦員司扣去一月薪水以懲延宕再犯者請撤差 一造冊處應派司事一員取熟於書算者充補書吏一名專供鈔寫 一造冊處每月紙筆筆墨及電報等費應請核實開支 特設律學○泰晤士報云日廷前派士紳在外洋學習律師今擬設立律學館招考學生擇派兩人充當教習專以英國言語教授諸生律例 錄國聞報

頭班學生開月分中學分數榜○總理時務學堂 為榜揭事案准 中學院長 表列頭班學生開月分功課分數除小建及甄別月課各一日外凡專習中學者皆以二十七分為及格惟領班二人應照新定章程按雙日計算以十四分為及格其中西兼學者按三六九日計算除二十九日課外以八分為及格概不復除依沐病事等假據此覆計此次溢分者十七人共溢一百五十分酌於月獎項下提銀十兩按分攤派每分應獎銀六分六釐六毫即於收支處照領其不及格一人查係欠因有故應予免抵合將姓名分數榜揭於後須至榜者計開○溢分者十七人 朱茂芸溢四十七分 張伯良溢三十分 戴修禮溢三十一分 鄭寶坤溢三十三分 黃頌鑾溢四十二分 譚國輔溢八分半 黃敦重溢八分半 黃瑞麒溢八分 唐才質溢八分 蔡鍾沉溢八分 曾繼壽溢十三分半 楊士輝溢十三分 陳為鏡溢十二分半 方傳鸞溢十二分半 李炳寰溢十二分半 沈崇德溢十二分 譚學芹溢十二分 及格者一人 成曜高溢五分

### 大同報招股

本報鉛字機器業由同志集資購定惟開辦經費不敷定有股票壹百張每股定銀貳拾兩股友閱報免費願入股者請至藩正街實學書局填票付款可也此白

### 保坤丸

調經種子卻病仙丹每丸制錢捌拾文 星沙青蓮室寄售

### 經濟書局

開設長沙省南陽街刻印兌換經史子集時務算學輿地各種書籍格外公道發售

### 重刻鄒徵君遺書

先生算學匯通中西皇輿恆星各圖尤稱精善惟家藏本印行甚少購致頗難本莊詳加校對重付刻印以便學者曾股票百張先廣銷路準於六月成書寄省城三味書局崇德堂及各書坊出售 竹映書莊謹啟

新刊 鄒氏化

### 讀史方輿紀要招股

湖南省城售票處 走馬樓三味書局 礦務總局內彭景韓先生 是書通行有四川江西兩本字多謬脫板已漫漶爰蒐輯檢校數過已五易寒暑今啟續模本重新繪圖付刊因工費浩繁招股集資以四百股為限 各公願入股者請將股費照上例兌交上開兩處照取單收股票為信并刻出書樣呈覽股票售至戊戌年八月三十日截止約冬季可以成書此啟

# 維新書局

開在湖南省城南正街專辦官板中西史志交涉公法輿地算學及各種格致圖籍擇期開張

# 收買何隸

省中如有何子貞先生隸書橫披願出售者請送本館一閱當面議價若屏幅中堂無庸送來 本館代啟

# 恒興祥茶號

開設省城柑子園口專辦各種名茶發客童叟無欺其價格外公道凡賜顧者請認本號招牌為記庶不致誤

四月初十日各物時價表

物名	每實	價值	比較	物名	每實	價值	比較
上白米	石	一千三百四十文	七錢四分六厘	次白米	石	九百十八文	七錢九分五厘
中米	石	一千一百五十五文	三千六百文	河東谷	石	三千五百文	一千六百八十文
河西谷	石	一千一百五十五文	三千四百文	洋麵	包	一千七百四十文	四十五文
洋麵	包	一千七百四十文	二兩六錢	茶油	百斤	五十六文	七兩四錢
茶油	百斤	五十六文	七兩一錢	桐油	百斤	六兩	六兩
桐油	百斤	六兩	一兩八錢五分	菜油	百斤	六兩	六兩
菜油	百斤	六兩	一百二十八文	桑木炭	百斤	壹千文	壹千文
桑木炭	百斤	壹千文	一百二十八文	上棉花	百斤	十六兩六錢	十六兩六錢
上棉花	百斤	十六兩六錢	六百五十文	下棉花	百斤	十五兩五錢	十五兩五錢
下棉花	百斤	十五兩五錢	十六兩三錢	一印折表	同前	三兩四錢	三兩四錢
一印折表	同前	三兩四錢	三兩八錢	吳庄紙	同前	三兩六錢	三兩六錢
吳庄紙	同前	三兩六錢	三兩一錢	石	石	三百六十文	三百六十文
石	石	三百六十文	三兩一錢	石	石	三百六十文	三百六十文
石	石	三百六十文	三百五十文	石	石	三百五十文	三百五十文
石	石	三百五十文	二百五十文	石	石	二百五十文	二百五十文
石	石	二百五十文	二百五十文	石	石	二百五十文	二百五十文

## 洞庭新洲宜講求農學論

長沙黃熙敬撰

商戰於外農戰於內國恆強商息於市農嬉於野國恆亡湖南農戰之區也上濟黔粵下達江漢在我亞洲為上中之國在歐美之間則為最下之國聞嘗取唐宋元明戶口稽之則日增日益取唐宋元明食貨較之則日減日衰然且攷其耕作昔也十居六七今也十居二三游手末作者去其半盜賊逃亡者去其半疲瘵殘疾而號弁兵者去其半不農不工不商坐蠶倉廩而號士人者又去其半然且攷其貨幣昔也十居二三今也十居八九九田功墮壞者去其半水旱荒亡者去其半樹藝不精蠶桑不講坐失利源者去其半不精原質不審土宜坐耗膏腴者又去其半耕之者一食之者九生之者一耗之者百民安得而不貧食安得而不乏食之民貧則逃亡眾逃亡眾則禍亂滋禍亂滋則安之不可治之不能矣敬蓋汲汲焉憂之而未有以已也西人格致家之言曰十方英里可養人萬六千而歐洲諸邦率養人五百又有云中國地氣溫而天時和行歐洲尋常之法縣可歲增七十五萬昔李惺善盡地力其教亦曰治田勤謹畝益三斗不勤損亦如之地方百里其增減輒為乘八十萬石嗟乎以全湘稻梁之地千數百里上旱下澇之區而農功如此吾果安得一曠衍之地為斯民講求新法變更前制慶綏豐而忘凍餒哉往者天恤窮黎洞庭之隅狎長新洲方積百數十里其土阜其種肥其人稀而地曠而官斯土者或但聽斯民之自生自息佔籍者領憑升科者納賦而其他皆不過問是殆天之所以振興農務而惜乎當局者不知也吾聞之非常之原黎民所懼田夫野老習故常率憚於變更而不知考核今如以公家之土壤為小民導先路而其佔入民籍者又以次而化導之則便一涸出之地荒蕪乍闢膏沃橫與平如掌直如矢可以行區田復井地則便二瀕湖田畝動遭淹溢而得此則可以攷求防衛之法種植之宜歲不難為湘省增億萬畝膏腴即不難為湘省增無數萬米石則便三夫治民之道力有不濟則官資之法有不便則官省之而况以公家之地行公家之法凡可以資吾民便吾民者無不可以明白風示而顧不之為焉是特有可與之利莫之與有自主之權莫之主也吾嘗攷耕作之進退土質之便宜天時之災歉種植之同異莫不宜辨以方而精以舉農會不立則民智不開而除害之方補備之策原質之利配合之宜率主故常而不知通變是故沸湯以暖土玻璃以禦寒有必盡之候有必防之早潦舉國昧焉仰天待命則天時不知卑涇之地承以機器則乾燥高燥之地植以樹木則滋潤澆薄之地合以鳥糞則膏腴不此之務則田日益困而地利不察果木蔬菜可以佐食桑榆桐梓可以製器不加考校則生不蕃碩而樹藝不講一人耕於外婦孺耗於內或尙奢侈或滋淫亂則蠶桑不興農學者